



3ª ADDENDA AO CONVENIO DE COLABORACIÓN ENTRE A VICEPRESIDENCIA SEGUNDA E CONSELLERÍA DE PRESIDENCIA, XUSTIZA E DEPORTES (ACTUAL CONSELLERÍA DE PRESIDENCIA, XUSTIZA E DEPORTES) E A FUNDACIÓN INSTITUTO FEIRAL DE VIGO (IFEVI) PARA REGULAR O RÉXIME DE COORDINACIÓN DA PROGRAMACIÓN DAS ACTIVIDADES DEPORTIVAS E FEIRAIS E AS ACTIVIDADES DE MANTEMENTO, CONSERVACIÓN E FUNCIONAMENTO DO MÓDULO DE ATLETISMO INSTALADO NO PAVILLÓN Nº 5 DO IFEVI.

MEMORIA XUSTIFICATIVA

O SECRETARIO XERAL PARA O DEPORTE DA CONSELLERÍA DE PRESIDENCIA, XUSTIZA E DEPORTES,

DECLARA:

Que esta CONSELLERÍA DE PRESIDENCIA, XUSTIZA E DEPORTES-SECRETARÍA XERAL PARA O DEPORTE formalizou coa Fundación Instituto Feiral de Vigo (IFEVI) os instrumentos convencionais referidos por un período de vixencia que abrangue dende o 31 de decembro de 2025 ao 31 de decembro de 2026.

Data aprobación polo Consello da Xunta de Galicia	Data sinatura	Descrición	Importe total
15/12/2025	30/12/2025	3ª addenda ao convenio de colaboración entre a Vicepresidencia Segunda e Consellería de Presidencia, Xustiza e Deportes(na actualidade Consellería de Presidencia, Xustiza e Deportes) e a Fundación Instituto Feiral de Vigo (IFEVI), para regular o réxime de coordinación da programación das actividades deportivas e feirais e as actividades de mantemento, conservación e funcionamento do módulo de atletismo instalado no pavillón número 5 do IFEVI.	120.000,00 €

Que os instrumentos convencionais teñen por obxecto *establecer as bases de colaboración entre a Xunta de Galicia, a través da Consellería de Presidencia, Xustiza e Deportes, e a Fundación Instituto Feiral de Vigo (IFEVI) relacionada para regular o uso deportivo do módulo de atletismo.*

Que existe converxencia de intereses entre as entidades asinantes en orden á consecución do obxecto referido.

Que os instrumentos convencionais que se pretenden asinar fundaméntanse no seguinte:



I.- A Lei orgánica 1/1981, do 6 de abril, do Estatuto de Autonomía de Galicia, no seu artigo 27.22, sinala a competencia da Comunidade Autónoma de Galicia en materia de promoción do deporte.

O Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, atribúe á Secretaría Xeral para o Deporte, as competencias e funcións en materia de deportes.

A Fundación Instituto Feiral de Vigo (IFEVI), fundación de interese galego ao amparo da Lei 12/2006, do 1 de decembro, de réxime das fundacións de interese galego, constituíuse no 1992 con vocación de servizo aos sectores profesionais e sociais, converténdose nun centro activo de sinerxías profesionais e sempre na procura de novos sectores de negocio e de ámbitos de actuacións nos que ofertar os seus servizos e espazos.

A Fundación Instituto Feiral de Vigo (IFEVI) ten como obxecto a consecución de fins xerais de interese galego no ámbito sectorial ao que a súa denominación e fins se contraen, sendo unha das súas finalidades primordiais a realización de actividades de promoción. A tal fin vén desenvolvendo no recinto feiral que xestiona actuacións que se concretan, fundamentalmente, en feiras, certames, exposicións e eventos de carácter cultural e deportivo que demandan amplos espazos nas instalacións nas que desenvolver as actividades.

Na actualidade, o IFEVI desenvolveu un proceso de ampliación da súa superficie e instalacións, que se concretou en actuacións de ampliación dos pavillóns existentes cos novos pavillóns 4 e 5, dunha superficie de ocupación cada un deles de 5.000 m2 aproximadamente, o que lle permite continuar ampliando a súa oferta multidisciplinar de negocio e de lecer, oferta entre a que se encontra tamén a de carácter deportivo.

II. As entidades públicas asinantes deste convenio son conscientes de que o incremento e mellora das condicións que esixe a práctica deportiva reclama unha mellor dotación de infraestruturas, de forma que permitan dar satisfacción á crecente demanda social existente na materia.

A Consellería de Presidencia, Xustiza e Deportes, no exercicio das súas competencias e funcións, ten previsto na súa planificación de mellora das infraestruturas e dos equipamentos deportivos da Comunidade Autónoma de Galicia, actuacións que permitan a construción ou mellora de instalacións deportivas básicas ou daquelas que presenten un maior interese deportivo. Neste sentido é de interese da Consellería de Presidencia, Xustiza e Deportes, a colaboración coas entidades públicas para o fomento do deporte no ámbito municipal.

A necesidade de levar a cabo esta actuación, ven determinada pola mellora da oferta e dotación públicas de instalacións e equipamentos deportivos que é unha das prioridades da Xunta de Galicia, coincidente tamén co servizo do interese público que procura IFEVI. Esta oferta deportiva supón ademais continuar avanzando na ampliación dos servizos prestados por IFEVI, en liña co xa implementado noutros



institutos feirais como é o caso da Fundación de Feiras e Exposicións de Ourense e a súa pista de atletismo hidráulica cuberta.

A localización dun módulo de atletismo cuberto na cidade de Vigo é unha necesidade que vén sendo reclamada polo tecido deportivo da modalidade deportiva do atletismo e das súas respectivas especialidades deportivas na súa área metropolitana dende hai tempo.

A concreta localización deste módulo nas instalacións do IFEVI responde a criterios de optimización dos recursos existentes e de redución do gasto, toda vez que suporá unha instalación deportiva cuberta sen necesidade de afrontar un novo pavillón que a comprenda, e mellorando as actuais instalacións do IFEVI, que verá ampliada a súa funcionalidade, ao sumar aos feirais os usos deportivos.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

Santiago de Compostela, na data da sinatura electrónica

Roberto García Fernández
Secretario Xeral para o Deporte

